


二十四年三月初版
二十五年二月再版



○·····定價大洋每本壹角·····○

著 作 者
錫 徐 之 輝

出 版 者
錫 徐 之 輝

印 刷 者
中 國 印 務 局

代 售 處
各 埠 各 大 書 局

叙

徐君之輝。字瀚如。江蘇無錫縣人。少治商學。畢業後應試清廬。分部任用。公務方面。歷任科長。廳長諮議顧問。財政會議委員。關稅會議專門委員等職。十餘年間。從公執掌。政績斐然。社會方面。曾任會計師銀行董事貿易公司經理煤礦公司總經理等職。對於工商實業之利弊。民生之苦痛。社會之病狀。尤能隨時隨地積極考究。殆不僅常識豐富。凡各事類能澈底認識。設法補救。際此國步艱難。滿擬就其平日千慮之一得。思有以爲國家救亡之助。除軍事外交金融問題。姑置不論外。對於農工商業教育交通實業經濟以及提倡國貨等事。特將整理發展理由。及推行方案。一筆之於書。題曰中國救亡問題。供之社會。以與愛國君子戮力救亡者一商討焉。徐君作是書。純出於個人之民族思想。愛國熱忱。並無其他背影存乎其間。

叙於余。爰誌數語。以爲介紹。尙希讀者鑒之。是爲叙。

二

章
士
釗
識

自叙

世界文明。人欲競進。因交通之便利。則閉關自守。勢所不能。因衛生之進步。則生殖衍繁。需要增加。迨至供不應求。衣食住行。日常所需物品。不能盡量取得之時。小則肇個人之爭奪。大則起國際之戰爭。是以世界愈文明。人口愈增加。而世界和平。即受重大之威脅。統計學者。對於人口增加速率之推算。每有持論之不同。有主應按幾何級數統計者。有主應按數學級數統計者。推其講求增加速率之觀點。雖異。而於生殖之增加。則毫無疑義。如無水旱疫癘戰禍等事。頻添人類死亡之率。則人口之增加。必日新月異。而歲各不同。彼釋氏提倡喇嘛不娶。天主教規定牧師無室。童貞女不嫁。未嘗非先哲冀圖減少人類之生殖。維持永久和平之苦衷。惟藉宗教以行減少生殖率。既無切實統計。更無法律扶助。此數千年來。所以收効未宏也。近世醫學昌明。苟有國焉。能審其國生產之所出。足供若干人民之應用。以此額數。立爲

標準。頒佈法令。規定婦女產生之數。足額以後。卽以醫學方策。阻遏生育。如此則其民族之生殖力自可維持至適當之度。而物品之供需亦。可求永久之適合。久安長治。其在此乎。是以欲求世。永久之和平。必須各國均能放棄侵略之野心。破除國界。銷除人種偏見。實行世界大同。商訂憲法。統御五洲。以策安全。如此辦理。則人口之增加。可以法律醫學。作合理之防止。而資源之供給。可以供需適合。垂諸萬世而不潰。至地方秩。可以地方警察之力維持之。國界既泯。海陸空軍。自可大加裁減。就慈悲論。可免世界大戰之慘禍。救濟無數之生靈。就經濟論。可免無數之軍需品。節省巨大之物力。海關可以裁撤。出入無需檢查。交通更爲便利。貨幣可以統一。到處均能流通。交易尤省換算。就各地固有之風俗。制定適當之法律。以爲地方自治之章本。祛暗爭於隔膜。融民衆於一堂。大小百官。如能一意奉公。力代民族求幸福。則人民之需求。永無缺乏。熙來攘往。信可樂也。將來文明達於高度。公德充塞五洲。世

界大同。必有實現之日。永久和平。定有維持之策。所謂王道坦坦。極樂世界者。當于此時見之。是境也。應由文明民族自由之演進。及合理高尚之公德所造成。決非第三國際。迷信唯物史觀者。所能假冒。亦非帝國主義。武力侵略者。所能影射。現際世界蕭索。各國野心政治家。從事擴軍備戰之時。自不足以語此。雖然優勝劣敗。實天演之公理。生存競爭。乃民族之本性。吾國以數千年積弱之餘。處此萬邦多事之秋。國步艱難。危險孰甚。若欲參加世界大同。共登昇平之域。必先求炎黃華胄。如何方可立足之道。爰就日常所思。於可能範圍以內。一一筆之於書。題曰中國救亡問題。冀將愚者之一得。與愛國君子。共同討論。戮力救亡。倘承不棄。俯賜指正。是又不僅爲救亡圖存之巨助。而拋磚引玉。實爲鄙人所馨香禱祝者也。是爲叙。

民國二十三年十二月

錫山 徐之輝 敬識

啓事

六

是文於二十三年脫稿。卽交付手民。從事印刷。祇緣個人私務甚繁。無暇兼顧。爰將校對分送等事。一切託之印務局完全代辦。不謂該局爲圖省工起見。並未詳細校對。卽行付印郵送。遂致魯魚豕亥。舛誤殊多。不勝抱愧。現在重經付印。未敢再行錯誤。復添閱者之累也。

徐之輝敬啓

中國救亡問題

目 錄

目	錄	1
總 論·····		一
第一節 中國有絕對自救之可能·····		二
第二節 全國人民宜急求衣食住之自給·····		三
第三節 工業之改善·····		七
第四節 農業之改善·····		十一

2	目	錄
第五節	建築道路發展交通……………	十八
第六節	創立國貨公司推銷國貨……………	二三
第七節	裁兵……………	二六
第八節	積極勸工解除民困……………	二八
第九節	改正賦稅清理舊債……………	三一
第十節	整頓教育……………	三七
第十一節	整飭官方……………	四二
	結 論……………	四七

總論

語曰得全全昌。失全全亡。此古今中外不易之理也。歷攷國家致亡之由。不外兩端。一曰內憂。一曰外患。其循環變化。雖各不同。而其結果。蓋未有出此兩途之外者。茲就吾國近代情勢而論。言外患。則自五口通商之後。繼以甲午庚子諸役。因迭經挫敗。遂敢強鄰輕視之心。九一八事變。東北淪亡。始訴公理於國聯。繼訴武力於塞外。均未收效。東北既經喪失。華北更受威脅。應付無方。啼笑皆非。古今亡國之危象。孰有過於此時者乎。言內政。則自戊戌政變之後。繼以辛亥革命。張勳復辟。直皖。直奉。齊盧。馮張諸戰。共黨之禍。干戈連年。國無寧日。天災流行。民窮財盡。各業崩潰。救濟無策。瘡痍滿目。言之痛心。加以舶來品年逾六萬萬元之入超。卽無強鄰之侵畧。亦必窮死餓斃而後已。欲國之不亡。胡可得哉。胡可得哉。雖然大厦之傾。必無完瓦。天下興亡。匹夫有責。鄙人深感猶太印度等亡國之痛。不禁憤作自強之思。爰將鄙懷。

謹陳於全國各界愛國同胞之前。敬望俯賜垂察。身體力行。則轉禍爲福。或可幸免滅亡。實我全國同胞之幸也。鄙人不勝馨香禱祝之至。茲分別縷述於下。

第一節 中國有絕對自救之可能

立國之要素有三。曰土地。曰人民。曰主權。三者之外。尤以各項物產資源之豐。否供給全國國用。最爲重要之關鍵。否則有土地焉。有人民焉。有主權焉。仍未足以立國也。查吾國資源實足自給。絕對有自救之可能。何以言之。吾國立國已四千餘年。至與各國通商。爲最近百數十年事。在未與各國通商前之數千年中。人民未嘗凍死餓斃。而衣食住之所需。均能自給。何曾求助於他國。以往證今。吾國土地農工之所出。足供全國人民之需要。毫無疑義。此就歷史論。其資源之充足。可以絕對自救者一。我國國土面積。共爲三千四百餘萬方里。全國人口。爲四萬七千餘萬。（就內政部前年大調查）按口統計。平均每人約分地三十餘畝。姑以三分之二作爲

山水瘠地。三分之一作爲良田計之。則每人所攤。亦得良田十餘畝之多。以十餘畝良田之所出。供給一人之需求。豈不綽綽然有餘裕哉。此就土地論。其資源之充足。可以絕對自救者二。其他如動植各物。無不俱備。礦物一項。蘊藏尤富。凡國用之所需。均可取給于國內。自無仰求他國之必要。此就物產豐富論。其資源之充足。可以絕對自救者三。今日國貧民困之由來。實爲天災人禍所演進。並非資源不足之影響。推原其故。厥有七端。內戰連年。阻碍生產一也。天災流行。田廬荒蕪二也。農工陳腐。外貨傾銷三也。交通阻塞。運輸艱難四也。政治不良。影響實業五也。教育失策。缺乏人才六也。遊惰好閒。不事生產七也。此七者。實爲今日國貧民困受病之最大根源。如能悉數而去之。何患國之不興。民之不富哉。

第二節 全國人民宜急求食衣住之自給

現在全國日常用品。大多數來自海外。其最大者。如棉花、棉紗、棉布、米、麥、麵粉、火油、

糖、紙、機器、電料、銅、鐵、五金、呢絨、木料。以及鐵路所用之機車、客車、貨車、鋼軌等項。次則爲海味、藥材、顏料、化妝品、玩具等件。爲數既多。爲值亦巨。每歲輸入純額。民國十九年爲關平銀十三萬二千八百二十三萬一千九百八十六兩。約合銀元二十萬萬餘元。民國二十年爲關平銀十四萬四千八百十八萬七千一百五十四兩。約合銀元二十一萬萬餘元。至九一八後。因世界不景氣。金價高昂。滿洲除外等問題。上年輸入總額。爲銀元十萬萬零三千餘萬元。至本國出品。乃因農工陳腐。或則品質粗劣。不易銷售。或則價格昂貴。變賣爲難。職此之故。全國市場。幾爲舶來品所侵佔。如再因循苟且。則破產之禍。迫於眉睫。急則治標。補救之方。務須速謀。全國人民衣食住之獨立。換言之。卽日用物品。未能完全自給。舶來物品於短期以內。未能全不需要。惟於全國人民日常所必須之物品。亟應由全國人民自行解決。端難再事因循。依賴洋貨。試就解決衣食住三項問題。分折言之。(一)衣原以被體也。富者好求

美觀。可以穿用國產綢緞。貧者財力薄弱。可以穿用國產紗布。穿綢穿布爲吾國數千年來行之有素者。實無窒碍爲難之處。際此國步艱難。爲救亡圖存計。苟能以愛國爲前提。保暖爲目的。不求其他。則凡遇物品粗劣之時。亦應稍抑奢侈之心。將就購用。對於舶來品。一律停購。而營工廠之業者。務須積極改良。力求精美。以應社會之需求。雙方提攜。互相協助。則衣之問題。即可自行解決也。(二)食原以養生也。飯則米麥五穀。無不俱備。菜則鷄鴨魚肉。牛羊蝦蟹等物。出產本豐。原無仰求外邦之必要。倘無兵事天災。其足供應用。自無疑義。在昔未嘗缺乏。於今何能不足。苟非必嘗異味以爲快者。則食之問題。亦可自行解決也。(三)住原以棲身也。吾國現有房屋。足供現有人民居住。況吾國建築。並不惡劣。土木工人。爲數至衆。果能考求實際。選用國產。以科學之方法。求工事之改良。則所造房屋。未必劣於洋樓巨廈也。如此則住之問題。又可自行解決也。全國人民所需之衣食住三大問題。得以自行

解決。則對外可以少購舶來品。減少國際貿易之入超。每歲輸入衣食原料之米麥棉花麵粉棉布等六七萬萬元巨大之漏卮。得以挹注。對內可以提倡國貨。扶助農工。當今最爲嚴重之失業問題。得因農工之發展。可以消滅於無形。且夫農工落後之國家。其出品恆粗劣而價高。每爲用戶所不取。非有特殊之援助。端難與先進諸國之出品。競勝於市場。是以圖謀衣食住之自給。其裨益於國計民生者。實非淺鮮。際此稅關官吏。尙多客卿。施行保護。動受牽制之時。則國貨之發達。端賴國民之購用。在政府應盡保護獎勵扶助之職。在國民應盡購用國貨之心。上下一致。戮力提携。則治標之效。當卓然可觀也。設使每人每年平均能少購舶來品三元。則就四萬萬人口計之。每歲可節省十二萬萬元之巨。敬希衋衋愛國諸君。毋猶豫。毋期待。上下一心。提倡國貨。同舟共濟。矢志救亡。至小限度。關於衣食住三事務須保存國粹。立爲標準。幸勿以一人關係極微之觀念而忽之也。

第三節 工業之改善

現在市場貨物。爲舶來品所侵佔。其額數之最大者。爲棉花棉布米麵麵粉紙糖鋼鐵電料洋油五金木材膠皮機器車輛紙烟油漆海菜藥品呢絨人造絲棉織品毛織品化學工業用品化妝品玩具等等。前節業已言之。一旦完全停用。究爲事實所困難。而因循依賴。又爲經濟能力所不許。治標之策。在急求衣食住之獨立。治本之策。則在建設工業。從事製造。根本解決。端在乎此。譬如食糖。每歲用量。不亞於鹽。除本國所產者外。查民國十九年海關進口冊。進口總數。爲關平銀五千五百三十五萬餘兩。約合銀元八千八百餘萬元。民國廿年。進口總數。爲關平銀四千二百五十七萬餘兩。約合銀元六千三百八十六萬餘元。上年僅上海一部。輸入之糖量。爲三萬四千三百五十七担。每担計銀十餘元。共值銀元五千餘萬元。其他各埠之輸入者。尙不在內。爲數之大。自可概見。是以欲求食糖之自給。應在廣東江西四

川等產蔗省區。竭力提倡加種甘蔗。迅速製糖。以供需用。如仍不足。則於綏遠等處。廣種蘿葡。製造蘿葡糖以補之。務使全國糖用。足以自給。又如紙類。除本國自造者不計外。查民國十九年海關進口冊。輸入總數爲關平銀三千七百二十餘萬兩。約合銀元五千五百八十餘萬元。民國二十年海關進口冊。爲關平銀四千四百六十七萬餘兩。約合銀元六千七百餘萬元。此項紙張。即應搜集材料。購買機件。聘請技師。力謀製造。以供全國人民之需要。又如紗布。現在本國所產者。均屬粗紗粗布。至細紗細布。均由外國輸入。查民國十九年海關進口冊。棉布輸入總數。爲關平銀一萬四千九百八十餘萬兩。約合銀元二萬二千四百八十三萬餘元。民國二十年輸入總數。爲關平銀一萬二千餘萬兩。約合銀元一萬八千餘萬元。數額之巨。殊屬驚人。其於棉種之改良。產量之增加。技術之革新。極宜迅速詳籌。切實進行。胥使全國所產布紗。足供國用。又如洋油。查民國二十年輸入總額。爲二千八百萬美加倫。計